

瘍

醫

大

全

瘍醫大全目錄

卷九

論辨膿法

論開口除膿法

論吸膿法

論膿熟不宜開遲

論內托法

癰疽已成門主方

論補法

論桑木灸法

論神妙拔根法

論瘡瘍去腐肉法

論死肉當去

論湯洗法

癰疽湯洗門主方

癰疽潰瘍門主方

論生肌法

論收口法

癰疽門生肌丹散膏方

論背癰頭開不住

論癰疽內肉不合法

論繃縛背瘡法

論生肌肉

論驗透膜法

論瘡口鎖口

論將息法

論培養法

論瘡久成癰

論九漏

試知百病生死法

夏月諸瘡傷碎蠅蛆門主方

碎瘡瘍惡穢法

瘍醫大全卷九

燕湖顧世澄練江氏纂輯

增錢之栢東陽

全校

男 櫟燮川和

論辨膿法

李東垣曰夫瘡腫之疾毒氣已結者不可論內消之法卽當辨膿生熟淺深不可妄開視之可否不至於危殆矣凡瘡疽腫大按之乃痛者膿深也小按之便痛者膿淺也按之不甚痛者未成膿也若按之卽復者有膿也不復者無膿也非也必有水也

以手掩其上大熱者膿成而自輒也若其上薄皮  
剝起者膿淺也其腫不甚熱者膿未成也

十書

經曰膿血交粘川藥可全色鮮紅活腐肉易脫氣敗  
血衰神仙歎哉

齊氏曰若發腫都輒而不痛者血瘤也發腫日漸增  
長而不大熱時時牽痛者氣瘤也氣結微腫久而  
不消後亦成膿此是寒熱所爲也留積經久極陰  
生陽寒化爲熱以此潰者必多成瘻

伍氏曰瘡腫赤色按之色不變者此膿已成也按之

隨手赤色者其亦有膿也按之白色良久方赤者此遊毒已息可就赤白盡處灸斷赤腫自消凡以手按之若牢鞭未有膿也若半軟半鞭已有膿也又按腫上下不熱者爲無膿熱甚者爲有膿宜急破之

澄曰凡腫瘍按之軟陷隨手起者爲有膿按之堅硬雖按之有凹不卽隨手起者爲膿尙未成不可輕易決破

又曰凡大按乃痛者病深小按便痛者病淺按之處



陷不復者無膿按之處卽復者有膿按之不復者  
可消若按之都牽强者未有膿也按之半軟者有  
膿也又以手按上下不熱者無膿若熱者有膿凡  
覺有膿急當破之無膿但氣腫若有血慎之慎之  
不可針破也用諸拔毒之藥敷散四圍堅中間軟  
者此爲有膿也一邊軟亦可有膿都堅硬者此爲  
惡核或有氣也都軟者此爲有血或血瘤也當審  
堅硬虛實爲要若堅疽積久後若更變熱中有軟  
處當軟處切不可針破也軟疽者只溫煖裏衣置

之耳若針灸刺破不可療矣

論開口除膿法

程山齡曰凡治癰疽口小膿多則膿不出或出而不盡或薄膿可出硬膿難出以致瘀不出而新不生延綿難愈法當爛開大口俾瘀膿多出爲善其爛藥烏金散最佳瘀肉能去不傷新肉且不甚焮痛爲至妙也若有膿管以綿紙撚裹藥紙入頻換數條卽化祛耳亦有頑硬之極非烏金膏所能去者則用白降丹或化腐紫霞膏搽之然終不及烏金

膏爲至穩

十法

李東垣曰夫瘡瘍生於外皆由積熱蘊於內內經謂血熱肉敗榮衛不行必將爲膿留於節腠必將爲敗蓋瘡疽膿爛之時頭小未破瘡口未開或毒氣不出疼痛難忍者所以立追蝕膿之方法使毒氣外泄而不內攻惡肉易去好肉易生也若其瘡紐之血出不止者則未可紐當於瘡上摻追蝕之藥待其熟可紐方紐若其瘡紐之痛應心根者亦不可強紐之悞觸其瘡其焮痛必倍變證不無不可不慎也若瘡癰膿成未破於上薄皮剝起者卽當

用破頭代針之劑安其上以膏貼之膿出之後用  
搜膿化毒之藥取效如神矣 十書

竇漢卿曰凡瘡瘍之起疼痛固屬於心火久而陽氣  
升上蒸肉化而爲膿若不三思原其膿之有無遽  
而開刀則鮮血突出膿從何來致患者煎寒發熱  
日夜疼痛無法可止必先將指頭按患上隨手而  
起四畔悉軟觀其頭聚擇尻神不犯吉日將刀頭  
向上開之方不致傷新肉取出刀再燃綿紙條潤  
油度之使膿水齊會半日扯出則膿水易乾外貼

膏藥四圍敷藥全書

## 論吸膿法

陳實功曰古之良醫有好生之德以口吮膿後世人漸嫌膿每多重手強擠致患者狼狽不堪或因循聽其自潰膿毒不得外發必致內攻乃生煩躁重如負石非用藥筒拔提內蓄之膿毒氣終難外泄也法預用徑口一寸二三分新鮮嫩竹一段長七寸一頭留節用刀剗去外青留內白一半約厚一分許靠節鑽一小孔以杉木條緊塞將羌活獨活紫蘇蘼艾鮮薑蒲白芷甘草各五錢連鬚葱二兩

灌入筒內筒口用葱塞之將筒橫放鍋內以物壓住勿得浮起用清水十大碗湔筒煮數滾約內藥濃熟爲度候用再用披針於瘡頂上一寸內品字放開三孔深入淺寸約在筒圈內將藥筒連湯用大磁鉢盛貯患者榻前將筒藥倒出急用筒口乘熱對瘡合上以手捺緊自然吸住約待片時藥筒已溫拔去塞孔木條其筒自脫將器倒出筒中物色看其何樣如有膿血相粘鮮明紅黃之色亦有一二杯許此是活瘡治必終愈如拔出物色純是



敗血氣穢紫黑稀水而無膿意相粘者其人氣血  
內收肌肉不活必是死瘡強治亦無功矣此法家  
傳屢經有驗如陽瘡易潰易膿之症不必用此以  
傷氣血此法陰瘡之用要在十五日前後堅硬不  
潰不膿者行之最當此法的有回天之效醫家不  
可缺也 正宗

論膿熟不宜開遲

薛立齋曰凡瘡瘍有膿之際乃肉腐而爲膿是毒氣  
侵蝕而潰也若不速去之恐毒氣蓄而侵潰好肉  
如肘膝樞紐關節之所筋骨壞廢疾成也有等畏  
針之徒多致不救或密針之或以賽針散卽透出  
膿極妙

汪省之曰夫癰疽瘡癰皆由氣血壅滯而生當推虛  
實表裡而早治之可以內消此內消之法宜早治  
也若毒氣已結者勿泥內消之法當辨膿之有無

深淺急宜酌量刺之緩而不刺毒則內攻穿通臟腑腐爛筋骨可不慎哉若脉緊數爲膿未成緊去但數爲膿已成以手按之熱者有膿不熱無膿按之牢硬未有膿按之半軟半硬已有膿大軟方是膿成若大按之痛者膿深按之不甚痛者膿未成按之卽復痛者爲有膿不復痛者無膿薄皮剝起者膿淺皮色不變不高阜者膿深淺者宜砭深者宜針手足指稍及乳上必候膿大軟方可開放若夫麻痘之後餘毒未盡肢節有癰痛覺有膿便用

決破遲則成寧曲之疾矣

理例

論內托法

汗省之曰凡癰疽或已成氣血虛者邪氣深者邪氣散漫不能突起亦難潰膿或破後膿少或膿清稀或堅硬不軟或雖得膿而根脚紅腫開大皆氣血虛邪氣盛兼以六淫之邪變生諸症必用內托令其毒熱出於肌表則易愈也內托以補藥為主活血驅邪之藥爲臣或以芳香之藥行其鬱滯或以溫熱之藥禦其風寒

理例

周文采曰夫托者起也上也癰毒之法外之內者邪

必攻內自然之理當用托裡湯液加升麻銀花使  
榮衛通行血脉調和瘡毒消散故云瘡家無一日  
不托裡也 啟玄

王肯堂曰癰疽已成大抵托裏消毒散托裏散小托  
裏散十宣散皆爲要藥但用隨時加減耳如冬月  
並氣滯之人五香連翹湯虛弱人去大黃素不宜  
寒藥者小五香湯形脉膿色稠不可用補藥者忍  
冬丸之類大膿出敗肉去紅腫消當用人參黃芪  
當歸白朮大劑補之令氣血滋茂新肉易生也

準

薛新甫曰有隨證加減用藥例以托裡消毒爲主誠  
內托之良法

癰疽已成門主方

七味活命飲 梅秘

一切癰疽氣血虛憊白塌下陷立可紅活

生黃蓍

川芎 各三錢 金銀花

蒲公英

各兩當歸八錢 穿山甲 炙

皂角針

各一錢五分

作一劑水三觔砂鍋內煎一半熱服避風取汗

靜卧自潰

透膿散 正宗



潰頂排膿捷法

金銀花

當歸 各五錢  
生黃耆 四錢

白芷

牛蒡子

川芎

穿山甲

皂針 各一錢

酒水全煎服瘡上宜覆煖

瓜蒌托裏湯 正宗

跌撲傷損腫痛積久欲潰或氣血鬱結痰停血壅致成瘡瘍未成卽消已成自潰生肌解毒

瓜蒌 一個

金銀花 一兩

蘇木 五錢

乳香 去油

甘草節

沒

藥 去油 二錢

作一劑酒煎分三服一日服盡揷焙爲末酒糊丸彈子大當歸酒化下

開陽三建湯 正宗

陰疽發背初起不痛不腫不熱不紅硬若牛皮堅如頑石十日外脉細身涼肢體倦怠皮如蠶甲色似土硃粟頂多生孔孔流血根腳平散軟陷無膿又皮不作腐手熱足涼者俱急服之

人參

熟附子

川芎

白茯苓

當歸

枸杞子

陳皮

山萸肉

黃耆

各一錢

廣木香

紫草

茅蒼朮

獨活

鮮紅花

厚樸

炙甘草

各五分

煨薑三片皂角樹根上白皮二錢水二碗煎入

分入酒一杯隨病上下食前後服之川綿帛蓋

煖瘡上預先不得大開瘡孔走泄元氣爲要

澄按背瘡屬陰者皆山臟腑先壞而內毒不得  
發越於外也當急救之遲則無濟矣

散寒救陰至聖丹 岐天師

生黃耆

人參

金銀花 各三兩

當歸 一兩

白芥子 二錢  
附子 三錢

水煎服二劑卽愈不須多服

牛膠飲

截險處癰疽惡瘡使毒不攻於內不傳惡證

上好牛皮膠四兩用酒一碗納膠重湯燉攪勻傾  
出更浸酒隨意飲盡出汗若善飲者以醉爲度此  
法活人甚多

遠志酒

韓大夫家此方救人極衆

一切癰疽發背惡毒有死血陰毒在中則不痛  
用之內服外敷則痛有憂怒等氣積而內攻則  
痛不可近用之內服外敷則不痛或蘊熱在內  
壯熱手不可近用之內服外敷卽清涼或氣虛  
血冷潰而不斂七情內鬱不問虛實並效

遠志

米泔浸洗去心

磨細密貯每用酒一盞調藥三錢連頃澄清飲  
之以搗敷病處

內托榮衛湯

黃耆 五錢

防風

連翹

柴胡

紅花 各二錢

羌活

甘草

人參

黃芩

蒼朮

各一錢

當歸

一錢五分

桂枝

八分

右剉分二服酒水各二盞煎八分溫服

二仙散

黃賓江

發背癰疽未成已成已潰未潰痛不可忍者

白芷

未潰用一兩  
已潰用五錢

貝母

未潰用五錢  
已潰用一兩

傷寒大全

卷九

已成方

主

顧氏秘書

作一劑水酒全煎服

琥珀蠟礬丸

正宗

癰疽已成未潰之際恐毒氣不能外出必致內攻預服此丸護心護膜散血解毒

生明礬

錢一兩二

雄

黃

硃

砂

各一錢二分

琥

珀

錢全燈草  
另研極細

研細用黃蠟一兩蜂蜜二錢銅杓內熔化離火片時候蠟四邊稍凝時方入上藥攪勻共成一塊用人將藥火上微烘衆手急丸小寒豆大以

硃砂爲末磁罐收時每服二三十九白湯食不

送下病甚者早晚日進二次其功最效

有川黃蠟二兩明礬一兩爲丸亦名蠟礬丸  
如制于大每服五七十丸食前酒下未破即消  
已破即合有種遍身生瘡狀如蛇頭服之立效  
蓋心爲君主之官不易受邪凡癰疽及蛇犬所  
傷毒上攻心則命立傾此藥能防毒氣內攻解  
毒定痛

秘授蠟礬丸 淮安楊秘

有定痛生肌化膿厚膜解毒去穢之功

黃 蠟 白 礬 各胡桃六塊研

銀 硃 一錢 蛇 蛻 一條陰陽瓦焙研

卷九 已成方 顧氏秘書



先將蠟溶化入蜂蜜少許再下生礬蛇蛻銀硃  
未攪勻將銅杓放滾水內急手丸如桐子大如  
遇患者先令洗浴飲熱酒數杯初服二十丸  
儘量飲醉被蓋取汗初起卽消已成疼痛不可  
忍者服之可止一半已潰服之必出稠厚黃膿  
看人虛實與服頭一日服二十丸第二日只  
服十丸逐日遞減兩丸服至一丸爲止奇效  
如神

透膿散

諸癰疽瘡及貼骨癰不破者不必用刀針以此服之不移時其膿自透屢驗

蛾口繭子

壹枚  
燒存性研末

酒調服只用一枚不可多用如誤用二三枚卽出兩三個頭慎之

透膿法

黃蠟熔化乘熱撚如大麥樣兩頭俱要尖用酒或白湯吞服一粒其頭自破

至驗金針散

敬立

治癰疽瘡腫已破未破用之直達潰所

春月取皂角針不拘多少半青半黑的灰火內炮乾爲末看瘡上下分食前後服之每服二三錢好酒調服取汗爲度如瘡在頭頂者用樹梢上的如背癰取樹身上向陽處的如便毒懸癰取樹杆內的此取象之義卽有所歸附焉

護心丹

正宗

患井疽宜多用他證亦宜

萊菔粉

二兩

乳

香

去油

一

炙甘草

五錢

辰

砂

水飛二錢

乳細白湯調服三錢

蔣示古照本方加遠志肉甘草水炮炒爲末一兩五錢亦名護心丹

護心丹

李嗣立

凡癰疽三日內宜速進十服方免變證能使毒氣外出稍遲內攻漸生嘔吐或鼻生瘡齒不食則危矣五日後亦宜用

直棗豉粉

一兩

乳香

去油燈心灰全研五錢

用生甘草濃煎湯調下一錢時時呷之若毒氣

衝心有嘔吐之證大宜服此

澄按葉氏下氣消腫解毒乳香消諸癰腫  
毒服至一二兩時香徹瘡孔中真聖藥也

論補法

周文采曰經云虛者補之凡癰疽已成不分部位但  
根脚散漫頂不高尖氣虛補氣血虛補血加銀花  
甘草節白芷桂心等藥使頂自高尖根窠收束易  
潰易膿如已潰之後膿血出多則當峻補氣血庶  
易於收口也

論桑木灸法

陳實功曰凡瘡破已久膿血多出氣血衰敗不能得愈者十常八九又因色慾令瘡腐而多生反肉存而不長新肉以敗肉滑而時出清水亦有不得其治法雖數歲不能愈者內宜服補中益氣加托毒藥外以藥水洗淨而桑條曬乾一頭燒着次減焰以火在於瘡口稍遠灸之勿令痛亦不可太遠遠則無益灸令熱而微癢爲妙日灸數次亦不爲多灸後少刻以長肉生肌膏貼方能取效神速也

正宗

## 論神妙拔根法

陳實功曰凡腦疽發背陰症初起不腫高不熾熱灸不疼其病將來難治必致壞人十日以前用拔針當頂插入知痛處方止隨用蠟酥條插至孔底每日二條膏蓋三日後加添插藥其根高腫作疼外用神燈照法助陰爲陽插照七日其瘡裂縫流膿至十三日其根自脫如日多根深蒂固不能脫者拔針取之內用玉紅膏不脫者自脫不斂者自斂此法百人百活再無不愈者哉

正宗

## 論瘡瘍去腐肉法

薛立齋曰夫瘡瘍之症膿成者當辨其生熟淺深肉死者當驗其腐潰連脫丹溪云癰疽因積毒在臟腑當先助胃壯氣爲主使根本堅固而行經活血佐之令其內消余常治脉症虛弱者用托裏之藥則氣血壯而肉不死脉證實熱者用清熱之劑則毒氣退而肉自生凡瘡聚於筋骨之間肌肉之內因氣血虛弱用十全大補湯壯其脾胃則未成自散已成自潰又何死肉之有若不大痛或木痛或



不赤或內膿不潰或外肉不腐乃氣血虛弱宜用  
桑枝炙及十全大補加薑桂壯其陽氣則四畔卽  
消瘡頭卽腐其毒自解又何待於針割若脾胃虛  
弱飲食少思用六君倍加白朮壯其榮氣則肌肉  
受毒者自活已死者自潰已潰者自斂若初起或  
因剋伐或犯房事以致色黯而不痛者乃陽氣脫  
陷變爲陰症急用參附湯溫補回湯亦有可生

寶漢卿曰凡取腐肉先用猪蹄湯洗淨以去其垢方  
見新舊之肉看其果腐爛者用鈎摘定輕手徐徐

服法

忍臭氣割之切不可悞傷新肉以致鮮血淋漓切  
勿急驟多加工夫割取畢上靈藥外用膏貼明日  
如有未盡之腐仍照法去之

全書

疔果治漏精瘻

煑甘石三斤煉輕白者用以連子黃湯煑石以煑

甘石酥為度研極細

蜜粉二分珍珠一分琥珀半斤熊胆半

冰片半用煎藥汁和為膏揮筆內

## 論死肉當去

中斗垣曰凡癰疽杖毒及楊梅結毒癰瘡便毒疔瘡等肉多有死肉停蝕好肉苦痛難禁若不早去愈加腐爛正謂之惡如狼虎毒似蛇蝎有傷性命恐致不救當視其緩急死肉大小或以針刀割去緩以腐肉錠子或末藥膏藥貼之以平爲期後上生肌長肉等藥上之內服太補湯丸等劑而愈世多庸俗只知敷貼長肉生肌等藥爲神殊不知有死肉爲害反加腐爛是也如去不淨亦不能得愈宜

非學不仕

古詩

熟玩之  
啟玄

## 論湯洗法

程山齡曰煎好猪蹄湯絹片摅去渣俟湯等溫再用方盤盛湯安放瘡下隨以軟絹淋湯瘡上並八孔內輕手捺盡內膿庶敗腐宿膿隨湯而下以淨爲度再以軟帛疊成七八重勿令太乾帶湯覆于瘡上以手輕盈旋按片時帛冷再換如此洗六七次自然痛減毒消洗時避風及人口氣

十法

馮魯瞻曰夫癰疽已潰日用猪蹄湯淋洗將愈之際

三日一次

錦囊

王肯堂曰潰瘍宜洗若非行補接之藥以實其內竊  
恐淋洗有一時之快少頃恐病體自覺疲憊有不  
耐煩之意非虛而何可不先議補接乎

準繩

又曰洗漏瘡當用乾艾作湯投白礬末二三錢洗瘡  
口蓋人血氣冷必假艾力以助陽而艾性亦能殺

虫也

此瘡漏不可遽合結  
毒實虫所爲之肯

陳良甫曰若癰久不合其肉白而膿少者此氣血俱  
虛不能潮運而瘡口冷澁也每日用艾葉一把煎  
湯避風熱洗及燒松香烟薰之或用豬蹄湯洗之

更以神異膏貼之必須守禁調理否則不效

唐元祐曰凡背瘡腐肉不去不用刀割用降香煎湯  
不可用手洗將湯入酒壺內淋於瘡上以新羊毛  
筆掃之拭乾再用巴豆炒黑搗成膏搽數次腐肉  
自去新肉自生

癰疽湯洗門主方

豬蹄湯 正宗

治癰疽已潰流膿時用此湯洗消毒氣去惡肉  
開死肌潤瘡口又能散風消腫腐盡則已

羌活

當歸

赤芍

黃芩

白芷

甘草

露蜂房 各等分 豬前蹄 一隻

右爲粗末看瘡疽大小用藥多少先將豬蹄用  
白水六碗煮蹄軟爲度將汁濾清吹去汁上油



花用藥一兩投於汁中再用微火煎十數沸密  
絹濾去藥渣候湯半熟將軟絹蘸湯淋於瘡上  
輕手挹去瘀膿腐肉其惡物隨湯而下洗訖以  
絹帛挹乾按法如式次第用藥

防風湯 十法

防風

白芷

甘草

赤芍

川芎

當歸尾 各二錢

連鬚葱

去尾  
五根

先將雄豬前蹄煨十數沸吹去浮油濾取三大

碗入藥煎熟以絹片蘸湯淋洗其深曲處以新羊毛筆洗之軟絹拭乾再上丹藥

洗方  
十法

當歸

獨活

白芷

甘草

各二錢

葱

頭  
五個

水三碗煎至藥爛濾清以絹帛蘸湯挹淨瘡上隨搽貼紅黑二膏洗時切忌風寒爲要如背瘡輕淺易治者以此代猪蹄湯其功亦效

洗方

陳冬瓜穰子煎洗

洗藥神硝散

集驗

專治癰疽潰爛臭穢

蛇床子

二兩  
破

樸

硝

一兩

和勻每用三錢水一盃煎二五沸通手洗之

癰疽潰門主方

參芪內托散 丹溪

金銀花 五錢

黃芪 酒炒三錢

遠志肉 甘草湯泡

炙甘草 各一錢五分

牡丹皮 一錢

川芎

陳皮 各五分

當歸 二錢

人參 聽用

大棗五枚水煎服 丹溪曰癰疽未潰以疎托

解毒為主已潰以托補元氣為主此二語可為

外科樞要

四君子湯

治一切陽虛氣弱脾衰肺損面色枯白飲食少

思四肢無力體瘦面黃皮聚毛落脉來細軟

人參

白朮土炒

白茯苓各二錢

甘草

炙一錢

姜棗水煎服

脾者萬物之母也肺者氣之母也脾胃一虛肺氣先絕脾不健運故飲食減少則營衛無所資養脾主肌肉故體瘦面黃脾主皮毛故皮聚毛落脾肺皆虛故脉來細軟也是方以人參補五臟之元氣白朮補五臟之母氣茯苓致五臟之清氣甘草調五臟之乖氣四藥皆甘溫甘溫中之味溫得中之氣猶之不偏不倚之君子也展布德澤以行春之令經曰氣主煦之

四物湯

治一切血虛日晡發熱

生地黃

當

歸

酒炒各三錢

白芍藥

二錢

川芎

一錢五分

水煎服

經曰血主濡之四物皆濡潤之品故為血分主藥地黃甘寒入心腎以沃血之源當歸辛溫入心脾而壯主血攝血之本芍藥酸寒入肝家而飲疎泄之血海川芎陰中之陽可上可下通足三陰而行血中之氣然吳氏曰失血太多者禁勿與之四物皆陰陰者天地閉塞之令非所以生萬物者也

本方加牡丹皮山藥白茯苓麥門冬玉竹退虛熱至效

八珍湯

治氣血俱虛惡寒發熱煩燥作渴大便不實飲食不進小腹脹痛眩暈昏憤等證

人參

白茯苓

白朮

生地黃

川芎

白芍藥

當歸

炙甘草

姜棗水煎服

氣爲衛屬陽營爲血屬陰此人身中之兩儀也純用四物則獨陰不長純用四君子則孤陽不

生二方合用則氣血有調和之益而陰陽無偏勝之虞矣經曰氣血正平長有天命

### 十全大補湯

人參

白朮土炒

黃芪蜜炙

熟生地

酒炒各二錢

白芍藥

炙甘草

川芎

各入分

當歸

一錢五分

肉桂

去皮五分

白茯苓

一錢

水煎服

丹溪曰實火可瀉苓連之屬虛火可補參芪之屬此八根本受傷虛火游行泄越於外若誤攻其熱變成危證多致難救此方以四物補血四君子補氣又加黃芪助陽固表肉桂導火歸原



薛立齋曰飲食勞倦五臟虧損一切熱證皆是  
無根虛火但服此湯固其根本諸證悉退金匱  
曰虛者十補勿一瀉之此方是也  
此方乃扶危定傾之大藥爲收功保命之金丹  
六君子湯

治氣虛脾弱食少痰多

人參

白茯苓

白朮土炒

廣陳皮

半夏

製熟各二錢

炙甘草一錢

姜棗水煎服

半夏燥痰治痰之本陳皮利氣泄痰之標標本  
既得攻補互行補而不滯攻而不峻故曰六君  
子經曰壯者氣行則愈怯者着而爲病六君子  
者壯其氣矣氣壯則升降自如清以奉上潤以

歸下尙有何物可停爲滯耶本方加藿香砂仁  
名香砂六君子湯其用稍峻矣

香砂六君子湯

理脾化痰溫胃進食止嘔

人參

白朮

白茯苓

製半夏

廣陳皮

藿香

砂仁

炙甘草

姜棗水煎服

藿香正氣湯

散風寒消飲食止嘔吐定瀉痢

白朮

陳皮

半夏

桔梗

砂仁

藿香

蘼葉

白芷

甘草

白茯苓

厚樸

姜水煎服

六味地黃丸

治腎經不足發熱作渴小便淋秘氣壅痰嗽頭目眩暈眼花耳聾咽燥舌痛齒牙不固腰膝痠軟自汗盜汗諸血失音水泛爲痰血虛煩躁下

部瘡瘍足跟作痛等證

熟地黃

入兩酒煮杵膏

山茱萸

酒潤去核炒

乾山藥

炒黃各四兩

牡丹皮

酒洗微炒

白茯苓

人乳製焙

澤

瀉

淡鹽酒拌炒各三兩

為末蜜丸如桐子大空心淡鹽湯下四錢

按腎惡燥脾惡濕補陰藥中多是濕藥只腎虛而脾胃壯實者宜若脾腎兩虛則不可也惟此六味丸入味九及入物腎氣丸專補腎虛兼理脾胃不濕不燥於脾腎兩虛者甚得其宜矣腎者水臟也水衰則龍雷之火無畏而亢上故壯水之主以制陽光地黃味厚為陰中之陰補腎填精以為君山茱萸味酸歸肝乙癸同治之義且腎主閉藏而酸飲之性與之宜也山藥味甘歸脾安水之仇故用為臣丹皮亦入肝其用主宣通所以佐萊萸之流也茯苓亦入脾其用主

通利所以佐山藥之滯也且色白屬金能培肺  
部又有虛則補母之義至於澤瀉有三功焉一  
曰利小便以清相火二曰行地黃之滯引諸藥  
速達腎經三日有補有瀉無喜攻增氣之虞故  
用爲使此方爲益腎之聖藥而昧者薄其功緩  
益用藥者有四失也一則地黃非懷慶則力淺  
一則地黃非九蒸則不熟一則疑地黃之滯而  
減之則君主弱一則惡澤瀉之滲而減之則使  
者微蹟是四失焉  
望其藥之有出乎

本方加黃柏知母各二兩名知柏八味丸治陰  
虛火動骨痿髓枯王冰所謂壯水之主以制陽  
光也尺脉旺者宜之

本方加五味子三兩名都氣丸治勞嗽

本方加五味子二兩麥門冬三兩名入仙長壽  
丸再加紫河車一具並治虛損勞熱

本方加杜仲牛膝各二兩治腎虛腰膝酸痛

本方去澤瀉加益智仁三兩治小便頻數

### 七味地黃丸

治腎水不足虛火上炎發熱作渴口舌生瘡牙  
齦潰爛咽喉作痛或形體憔悴寢汗發熱

卽六味丸加

肉桂

一兩臨用去皮  
忌火勿出氣

腎水不足虛陽僭上必用此方以引火歸原夫  
五志之火可以濕伏可以直折龍雷之火惟當

從其性而伏之肉桂性熱與火同性雜在下焦壯木藥中能引無根虛火降而歸經且肉桂之質在中半以下其性專走腎經本乎地者親下之義况相火寄於甲乙之間肝胆木旺則巽風動而烈火焰明古人謂北方不可瀉瀉肝即所以瀉腎本草曰木得桂而枯取其義也經曰熱因熱用此之謂也或者畏其熱而遺之豈達達造化升降之微乎黃柏知母治相火僅可施於壯實若虛火而誤用之則腎因瀉而愈虛愈虛而火愈熾矣

八味地黃丸

治命門火衰不能生土以致脾胃虛寒飲食少思大便不實臍腹疼痛夜多漩溺或陰盛格陽內真寒而外假熱等證

即七味丸加 熟附子一兩切片  
微火焙

腎有兩枚皆屬於水雖有左右之分初無水火之別考之內經昭然可覽仙經曰兩腎中間一點無二樣中間一點是真精又曰兩腎中間一點明夫真精者明也即命門相火也命門乃穴名而其穴在兩腎中間蓋一陽生於二陰之間所以成乎坎而象天之北也經曰少火生氣人無此火生化之源幾乎息矣非附子健悍不足以噓既槁之陽春王太僕曰益火之原以消陰翳此方是也

馮魯瞻曰按脾胃虛寒之至者丹皮澤瀉甚非所宜戒此二味加牛膝杜仲鹿茸五味子更佳又曰六味地黃丸專補左尺腎水入味丸既補左尺腎水兼補右腎相火少年水虧火旺宜服六味丸老年水火俱虧宜服八味丸况老年腎臟真水既虛邪水乘之而為濕熱以作腰痛足痿痰唾消渴小便不禁淋閉等證非桂附之溫



湯醫大全

卷九

補陽丸

七

補陽丸

散而能治之乎味者畏其熱殊不知所補之火乃直陽之元也直陽之元一得陰翳之火潛消矣

金匱腎氣丸

治脾腎大虛腰重脚重小便不利肚腹腫脹四肢浮腫喘急痰盛已成蠱證其效如神

熟地黃 四兩

白茯苓 三兩

山茱萸 去核

乾山藥 炒

川牛膝 酒炒

車前子 微焙

牡丹皮

酒洗炒

澤瀉 炒

肉桂 去皮各一兩

熟附子 五錢

爲末蜜丸桐子大空心白湯下

土爲萬物之母水爲萬物之源身中所最重者也若脾虛則土不能制水腎虛則水不能安位故逆行而泛溢於皮膚妄加攻逐禍不旋踵八味丸脾腎要藥佐以車前泄太陰之水佐以牛膝開少陰之竅則小便行而脹自已且有益於真元也

八物腎氣丸

平補腎氣堅齒駐顏

熟地

八兩

山茱萸

山藥

各四兩

牡丹皮

澤瀉

白茯苓

各三兩

肉桂

去皮

五味子

各一兩

爲末蜜丸每用六七十丸空心白湯下

逍遙散

治血虛煩熱肢體疼痛口乾盜汗嗜臥月水不調寒熱如癰痰嗽骨蒸

白茯苓

白朮 土炒

當歸

白芍

酒炒

柴胡

各一錢

甘草

五分

薄荷

入分

煨姜煎服

本方加山梔牡丹皮名加味逍遙散

肝虛則血病歸芍養血而飲陰木盛則土衰木  
草和中而補土柴胡升陽散熱合芍藥以平肝  
使木得條達茯苓清熱利濕令心氣安寧煨姜  
煖胃祛痰能調中解鬱薄荷搜肝瀉肺理血消  
風諸證自已所以有逍遙之名

補中益氣湯

人參

白朮

炙黃芪

炙甘草

廣陳皮

升麻

柴胡

當歸身

姜棗引

歸脾湯

治思慮傷脾不能攝血健忘怔忡驚悸不寐心  
脾作痛嗜臥少食大便不調身痛盜汗月經不  
調

人參

白朮土炒

白茯苓

龍眼肉

去核

酸棗仁

炒各二錢

遠志

去骨

當歸身

各一錢

木香

生用

炙甘草

各五分

炙黃芪

一錢五分

薑水煎服

心藏神而生血脾藏意而統血思慮太過則兩  
臟受傷而血不歸經心血不足則健忘怔忡驚

悸不寐脾血不足則嗜臥少食體倦或虛不能  
統血遂致妄行甚則氣鬱而心脾作痛在女人  
則帶下而月經不調茲取參苓芪朮炙草甘溫  
可以補脾龍眼事仁歸身遠志濡潤可以養心  
佐以木香者蓋思慮所傷三焦氣阻藉其宣暢  
調氣舒脾則氣和而血和且平肝可以實脾而  
血之散於外者悉歸中州而聽太陰所攝矣故  
命之曰歸脾湯

### 理中湯

臟腑中寒四肢強直

人參

炮乾姜

炙甘草

白朮

各等分水煎服

附子理中湯

治脾胃虛寒飲食不化或手足厥冷腸鳴切痛  
或痰氣不利口舌生瘡或嘔吐泄瀉等證

卽人參理中湯加 熟附子

人有元陽命口真火此火一衰則不能生土而  
資生之本大虛今以附子迴少火乾姜煖中州  
而參朮甘草爲之補氣氣旺則火足而脾土自  
能健運經曰氣主煦之又曰寒溼所勝平以辛  
熱卽補火之謂也夫心上腎下肝左脾右而脾  
獨居中中氣空虛四臟不能相生得此方以理  
之則萬物之母安而四臟皆得稟矣故曰理中  
湯去參朮卽名四逆湯爲四肢厥者設也

生脉散

生津止渴治熱傷元氣氣短倦怠口乾出汗

人參一錢 麥門冬二錢 五味子八分

水煎服

火氣赫曦則金為所制而絕寒水生化之源故氣短倦怠出汗者皆手太陰本症也人參補氣為君所謂損其肺者益其氣也五味子酸飲能收肺家耗散之金麥門冬甘寒濡肺金燥枯之液三者皆扶其不勝使火邪不為害也司天屬火之年時令燥熱之際尤為要藥

參苓白朮散

健脾養胃

人參去蘆

廣陳皮

砂

仁

各一兩



白茯苓

蒸二兩

白朮

土炒四兩

扁豆

山藥

薏苡仁

蓮子肉

各三兩

神麴

炙甘草

各五錢

磨細每服三錢白湯調服

乳香黃芪湯

治癰疽發背諸毒疔瘡疼痛不可忍者或未成者速散已成者速潰敗腐膿毒不假刀砭其惡肉自然脫下並治跌打損傷筋骨疼痛

人參

白芍

沒藥

去油

當歸

乳香

去油

黃芪

熟地

鴛粟殼

蜜炙去筋

甘草

川芎

陳皮

白水煎量病上下分前後服

托裏定痛散

潰後血虛疼痛不可忍者

熟地

當歸

白芍

乳香

去油

沒藥

去油

鴛粟殼

蜜炙去筋

川芎

肉桂

白水煎

托裏內補散 馮氏

十全大補湯加金銀花白芷防風 各等分

水煎服

人參養榮湯 正宗

潰瘍發熱惡寒或四肢倦怠肌肉消瘦面目痿黃吸吸短氣飲食無味不能收斂或氣血原不足不能收斂大瘡愈後宜多服之不變他證

卽十全大補湯去川芎加陳皮遠志五味子

聖愈湯

潰瘍膿水出多氣血虛極脉細空而無力以致  
心煩不安睡臥不寧或五心煩躁等證

卽四物湯加人參黃芪

保元大成湯

潰瘍元氣素虛精神怯弱或膿水出多神無所  
主以致睡臥昏倦六脉虛細手冷身涼便溏或  
秘胸膈或寬不寬舌雖潤而少津口雖食而無  
味瘡弦不緊肉色微紅總由不足大補堪題

人參

白朮

白茯苓

當歸

白芍

黃芪

熟附子

山萸肉

砂仁

北五味

陳皮

廣木香

炙甘草

姜棗引食遠服服至精神四手足煖脾胃醒肉  
色紅爲度凡見此等證候乃真氣虛脫已欲變  
壞之病非此不回也

補參湯

潰後膿水出多氣血虛極或惡寒或發熱或自汗冷汗或手足指甲青冷或身涼脉細

人參

二兩切片

作一劑水二鍾棗十枚煎一鍾徐徐服之若煎至稠厚卽爲膏矣作三次用溫酒化服亦可

清震湯

正宗

潰瘍脾胃虛弱或誤殮生冷或氣惱勞役或入房夢遺致火邪乘入中脘乃生呃逆宜急服之

人參

陳皮

半夏

炙甘草

益智仁

香附

柿蒂

熟附子

澤瀉

姜棗燈心引如手足不冷去附子不用如口乾便燥火呃者去附子加川連五分

托裏黃芪湯

治氣虛作渴

嫩黃芪

錢蜜炙六

甘草

天花粉

各一錢

水二鍾煎八分頻服加人參一錢尤妙

黃芪六一湯

當服此藥終身可免癰疽之疾治渴補虛

綿黃芪

去蘆六兩一半生焙一半鹽水潤飯上蒸三次焙乾剉細

粉甘草

一兩一半生剉一半炙黃

水煎服亦可或爲細末每服二錢早晨日午以白湯調服初服酒調亦妙

止痛當歸湯

治腦疽背疽穿潰疼痛

當歸

生地

白芍

人參

炙甘草

官桂

各等分



黃芪

水煎服

此足陽明厥陰藥也當歸生地活血涼血人參黃芪益氣補中官桂解毒化膿毒化成膿則痛漸止芍藥和脾酸以斂之甘草扶胃甘以緩之則自痛減矣

參朮地黃膏

正宗

癰疽發背等證大膿後氣血大虛急宜用此

上好人參

半觔切片用水五大碗砂鍋內慢火熬至三碗將渣再煎汁一碗共用密絹濾清復熬稠厚磁罐收貯聽用

雲片白朮

六兩熬全上法

懷慶地黃 六兩熬全上法

以上三膏各熬完畢各用磁蓋碗盛之頓入水中待冷取起蓋勿泄氣如患者精神短少懶於言動短氣自汗者以人參膏三匙白朮膏二匙地黃膏一匙俱用無灰好酒一杯頓熱化服如脾氣虛弱飲食減少或食不知味或已食不化者用白朮膏三匙人參膏二匙地黃膏一匙好熱酒化服如患者腰膝酸軟腿腳無力皮膚手足粗澁枯槁者用地黃膏三匙人參白朮膏各

三匙化服如氣血脾胃相等無偏勝者三膏各  
二匙熱酒化服此膏用於清晨併臨睡時各進  
一次自然強健精神頓生氣血新肉易生瘡口  
易合任瘡危險勢大膿多者可保終無變症如  
夏炎天熱恐膏易變分作二次熬用亦好愈後  
能服鬚髮變黑返老還童以上諸方功難盡述

八仙糕 正宗

癰疽脾胃虛弱精神短少飲食無味食不作儀  
及平常無病久病但脾虛食少嘔泄者並妙

人參

白茯苓

山藥

芡實

蓮子肉

各六兩

糯米

三升

粳米

七升

白蜜

一觔

白糖霜

二觔半

右將人參等五味各爲細末又將糯粳米亦爲粉與上藥末和勻將白糖和蜜湯中頓化隨將粉藥乘熱和勻攤鋪籠內切成條糕蒸熟火上烘乾磁器密貯每日清早用白湯泡食數條或乾喫亦可但遇知覺饑時隨用數條甚便服至百日輕身耐老壯助元陽培養脾胃妙難盡述

八仙糕 鄭氏秘方

治脾泄腎泄並遠年休息痢神效

兔絲子 焙

魚 膠

切片乾麵炒珠

山

藥

炒

芡 實 炒

白茯苓

建蓮肉

去心炒

薏苡仁 炒

白扁豆

炒各四兩

穀

茅

炒八兩

糯米 炒黃十兩

和銅餹

三十六兩

共磨細末每早用開水入白糖少許調服一二

兩屢建奇功

胃愛丸 正宗

治潰瘍脾胃虛弱飲食諸味不喜屢用開胃進  
食之藥不效者此脾崩之象宜服此丸進食爲

吉

清河人參 一兩

雲片白朮

鮮白者米泔浸去澁水切片曬乾全麥

懷慶山藥

肥大上白者切片用男乳拌濕候潤透

上白茯苓

咀一兩一分厚片用砂仁二錢全茯苓

甘草

炙三錢

白荳蔻仁

三錢

真廣陳皮

用陳耆米先炒黃色方下陳皮全炒微燥勿焦六錢

建蓮子肉

去心去皮切片五錢

真小紫蘇

蜜拌透曬乾微蒸片時連梗葉切片五錢

右爲細末用老米二合微焙研粉泡荷葉湯打糊丸梧子大每服八十丸清米湯不拘時服

紅鉛造化丹

正宗

治癰疽元氣不足軟陷不起發或已發復被風寒內外所侵以致瘡毒下陷變爲陰塌不痛者急宜服此亦可轉陰爲陽返出毒氣復腫爲吉

人參

白茯苓

山

藥

各一兩

辰砂

寒食麴

各七錢五分

紅

鉛

另有取法二錢

枯礬

甘草

炙五錢

水

片

六分

麝香

八分

乳

粉

二錢用頭生男乳每盤內用一小鍾晒乾刮取收之

右各研精細方為一處共研極細用白蜜二兩

頭生男乳一大杯慢火重湯內用磁碗頓蜜滴

水不散為度候稍溫而入前藥軟硬得宜丸如

龍眼核大金箔為衣磁罐收貯或以蠟固亦妙

每用一丸好熱酒一杯化藥食遠服之用厚綿



帛覆煖患上其熱如蒸瘡必復起作痛乃此丹  
之效也諸證嘔吐怔忡瀉痢屢藥不瘥異證前  
效大率心經之病石菖蒲肝經之病遠志肉脾  
經之病生姜肺經之病麥門冬腎經之病五味  
子各隨五經之症用引煎湯化服其應如嚮修  
合時務要端午天醫黃道日爲佳製藥時忌婦  
人鷄犬生人異物預期齋戒誠心多靈

取紅鉛法

女子十四歲而天癸至此陰中之真陽氣血之  
元稟遇此將行時兩腮先若桃花之狀陽藏陰  
藏其經只在半月之裏必來預用白綿綢一尺

五寸洗淨時常用棉帶一條束臍下綿紬兩尖  
頭前後繫帶上中間常兜陰器小便時解一頭  
便器卽繫之經至盡染紬上取初至紅鉛一顆  
大如魚眼紅色明亮如珠此爲接命至寶隨與  
好酒一杯和服一時後如醉不醒只以人乳飲  
之一日後自甦已後能絕房事者延壽一紀餘  
經換紬兜取陰乾浸上白童便內片時其經自  
然脫下取置磁盤內陰乾聽用如不昇煉者謂  
之坐紅鉛亦可補益虛勞接續命脉如次經已  
後但未破身者俱可取聚陰乾磁蓋昇煉色如  
紫霜一般合入三元丹內人乳服之接命長年  
却除百病此方神秘不宜輕洩故不可傳但取  
紅鉛之女生平愛惜飽煖適時無拘束者爲上

## 人參黃耆湯

治潰瘍虛熱不睡少食或穢氣所觸作痛

黃耆 蜜炙

人參

白朮 土炒

當歸身

蒼朮 炒

麥門冬

升麻

五味子 炒

神麴

廣陳皮

甘草 各五分

黃柏 酒拌炒

薑棗引煎服

內補黃耆湯

治癰疽發背潰後虛弱無力體倦懶言精神短少飲食無味自汗口乾脉滑不睡

人參

白茯苓

黃耆 蜜炙

當歸身

肉桂

遠志肉

炒

川芎

麥門冬

熟地

白芍藥

各一錢

甘草

五分

薑棗引煎食遠服

托裏清中湯

癰疽脾胃虛弱咳嗽痰氣不清飲食少思

人參

白茯苓

白朮

半夏

陳皮

桔梗

各一錢

麥門冬

五味子

甘草

各五分

薑棗引煎食遠服

托裏和中湯

癰疽中氣虛弱飲食少思腫不消潰不斂

人參

白茯苓

白朮

陳皮

半夏

炮薑

各一錢

廣木香

甘草

各五分

薑棗引煎食遠服

托裏建中湯

癰疽元氣素虛或因寒涼損傷脾胃飲食少思

凡除無味或作嘔泄瀉急服以健中氣

人參

白朮

白茯苓

各二錢

半夏

炮

薑

各一錢

甘草

五分

熟附子

八分

煨薑三片棗二枚煎不拘時服

托裏溫中湯

癰疽陽弱陰寒脉虛身冷或瘡爲寒變反致不  
疼或膿水清稀心下痞滿腸鳴腹痛大便微溏  
食則氣短嘔逆不得安臥時發昏憤

白朮

廣木香

丁香

各五分

人參

益智仁

乾

薑炮

半夏

陳皮

羌活

白蔻仁

甘草

各一錢

熟附子

二錢

白茯苓

薑棗引煎不拘時服

此方與舊不同予製此

嘗治癰疽陰症及雜症陽氣脫陷與寒氣逼陽

於外者發熱煩躁口乾作渴投以薑附之類其

津液頓生煩熱頓退其應如響

醒脾益胃湯

潰瘍脾胃虛弱過傷飲食生冷以致胸膈不寬  
四肢面目浮腫及小水不利

人參

白茯苓

白朮

山藥

廣皮

半夏

老黃米

炒各一錢

蒼朮

厚樸

澤瀉

廣木香

麥芽

蘇子

豬苓

山楂

各五分

薑三片燈心二十根煎食前服



神應異功散

潰瘍陰盛陽虛發熱作渴手足並冷脉虛無力  
大便自利至飲沸湯而不知其熱者必服之

人參

白朮

陳皮

白茯苓

當歸

廣木香

官桂

各一錢

半夏

丁香

肉豆蔻

厚樸

熟附子

各五分

薑棗引煎服

神丸

癰疽脾胃虛弱飲食不消大便澹泄並治尋常  
腎虛脾泄俱效

破故紙

四兩微炒香色肉

菓

肥大者二兩生用

用大棗四十九枚老薑四兩切片水浸棗薑煮  
至水乾爲度取棗肉爲丸桐子大每服七十九  
清米湯空心送下

### 四神丸

脾腎虛寒大便不實飲食不思

肉菓

麵包煨

五味子

各二兩

補骨脂

四兩

吳茱萸

水浸炒  
一兩

爲末生薑八兩紅棗一百枚煮熟取棗肉去皮  
和丸桐子大每服四錢空心米飲下

論生肌法

法省之曰夫肌肉脾之所主也潰後收斂遲速者乃  
氣血盛衰使然世人但知生肌用龍竭止痛用乳  
沒子謂不然生肌之法當先理脾胃助氣血為主  
則生肌自生豈假龍竭之屬設若膿未盡就用生  
肌反生潰爛壯者輕者不過復潰或遲斂而已怯  
者重者必致內攻或潰爛不斂者多矣至於止痛  
之法熱者清之寒者溫之實者瀉之虛者補之膿  
鬱不出者開之惡肉侵蝕者去之如是則痛自止

豈在乳沒然後痛止乎

理例

薛立齋曰夫肌肉者脾胃之所主收斂者氣血之所使但當純補脾胃不宜泛敷生肌之劑夫瘡不生肌而色赤甚者血熱也四物加山梔連翹色白而無神者氣虛也四君加歸芪晡熱內熱陰血虛也四物加參朮膿水稀者氣血虛也十全大補湯食少體倦脾氣虛也補中益氣湯煩熱作渴飲食如雀腎火也竹葉黃芪湯不應竹葉石膏湯熱渴而小便頻數腎水虛也用加減八味丸料煎服若敗

血去後新肉微赤四沿白膜者此胃中生氣也用  
四君子湯以培補之則不日而斂若妄用生肌之  
藥餘毒未盡而反益甚耳殊不知瘡瘍之作由胃  
氣不調瘡瘍之潰由胃氣腐化瘡瘍之斂由胃氣  
榮養東垣曰胃乃生發之源爲人身之本丹溪亦  
謂治瘡瘍當助胃壯氣使根本堅固誠哉是言也  
可不慎歟

經驗全書

馮魯瞻曰凡肌肉傷而瘡口不斂者用六君子湯以  
補脾胃爲主若氣虛惡寒而瘡口不斂者用補中

益氣湯以補脾肺若血虛發熱而瘡口不斂者用  
四物參芪以滋肝脾若膿多而瘡口不斂者用八  
珍湯或十全大補湯以養血氣經曰脾主肌肉如  
前藥未應但用四君歸芪以補脾胃若更不應乃  
下元陽虛急用八味丸以壯火生土若脉數發渴  
者難治此真氣虛而邪氣實也 錦囊

又口若敗肉去後新肉微赤四沿白膜者此胃中生  
氣也但用四君子湯以培補之則不日而斂蓋瘡  
瘍之作由胃氣不調瘡瘍之潰由胃氣腐化瘡瘍

之飲由胃氣榮養

醫大全

卷九

生肌法

華

顧氏秘書



論收口法

程山齡曰凡癰疽最難收口者皆由瘀肉夾雜瘀膿不盡所致庸工不識妄用補瀉之劑勉強收口恐他日內毒復發更甚於日前惟將海浮散玉螺散敷上堪稱至寶瘀肉自脫不必用刀新肉自生又不藏毒萬舉萬當大法先用防風湯洗之或猪蹄湯若是痔瘡用無花果葉煎湯洗之再上末藥洗時須避風爲主書云頻將湯洗切忌風吹是以更有體虛不能收口者須內服補藥以助之

十法

李東垣曰若膿血未盡便用生肌歛瘡之劑務其早愈殊不知惡肉不盡其瘡早合後必再發不可不慎  
十書

馮魯瞻曰癰疽將斂宜用膏貼如毒未盡不可遽用生肌等劑  
錦囊

又曰癰疽將安宜補氣血肌肉易生若進寒涼便難長滿

癰疽門生肌丹散膏方

生肌散 錦囊

生肌長肉神效

珍珠 生研 大冰片 各二分 象皮 切方塊瓦灰拌炒珠

上白蠟 各一錢 乳香 各五分 瓜兒竭

沒藥 各五分 鉛粉 輕粉 重掃盆者四分

兒茶 三分

共乳極細先用猪蹄湯或濃茶洗淨用少許摻

之

生肌散

人參

西牛黃

珍珠

琥珀

熊膽

乳香

去油

沒藥

去油各二錢

蘆甘石

煨

海標蛸

龍骨

石膏

煨

輕粉

各五錢

杭粉

二兩

共乳極細入冰片五分再乳干下磁瓶密貯每

用少許收口如神

八寶丹

珍珠

市色人豆腐內煮一次時研細如治癩  
頂十手指尖十足指尖龜頭此二十處  
非圓滾珍珠合藥不能包裹還原若治癰  
疽一切瘡瘍即飯塊珍珠皆可用也一錢

西牛黃

五分

象

皮切片

琥

珀

乳燈心全

龍骨

煨

輕

粉

各一錢五分

冰

片

三分

蘆甘石

銀罐內煨紅研細  
三錢

共乳極細磁瓶密貯每用少許生肌長肉收口

如神

神妙生肌散

龔敏中

乳

香

去油

赤石脂

兄

茶

海螵蛸

血竭

鱉甲

黑鉛

各一錢

礪

砂

生肌全

沒

藥

各二錢

輕粉

三分

初起加黃柏一錢  
作癢加白芷一錢

先將黑鉛加水銀一錢全煎化再將前藥研細  
入於鉛汞內研極細摻之

生肌散

紅昇丹

一錢

血竭

海螵蛸

象皮

焙焦

黃丹

輕粉

各三錢

赤石脂

兒茶

紫河車

散各五錢

乳香 去油 沒藥 去油各二錢

瘡口紅熱加珍珠二錢  
瘡口寒白加肉桂二錢  
瘡口虛陷加人參二錢

共乳極細摻上膏貼

珍珠十寶膏

治癰疽大毒及刀傷斧砍咬傷杖瘡生肌定痛

百發百中

珍珠 一錢 芫輕粉 各五錢  
腐包煮輕粉

潮腦 四錢 乳香 去油 沒藥 去油各二錢

白蠟 八錢

琥珀 八分

冰片 三分

先將猪板油四兩入鍋熬化去渣再入白蠟化盡離火入研細珠輕杭乳沒五末將凝始下琥珀冰片潮腦和勻冷定收貯用時以淨手心搥脚心放掌心溶化塗之再貼膏藥

生肌玉紅膏 正宗

專治癰疽發背諸般潰爛棒瘡用在已潰流膿時先以甘草湯甚者用猪蹄湯藥湯淋洗患上軟絹挹淨用抵脚挑膏於手掌中捺化遍搽新



腐肉上外以太乙膏蓋之大瘡早晚洗換二次  
內兼服大補脾胃煖藥其腐肉易脫新肉卽生  
瘡口自斂此乃外科收斂藥中之神藥也

白蠟

當歸身 各二兩  
白芷 五錢

瓜兒竭

輕粉 各四錢  
紫草 二錢

甘草

一兩二錢  
真麻油 一觔

先將白芷甘草當歸紫草四味入油內浸三日

大杓內慢火熬藥微枯色

若熬太枯  
其油則黑  
細絹濾清

將油復入杓內煎滾下整塊血竭化盡次下白

蠟微火化盡先用茶鍾四隻預頓水中將膏分作四處傾入鍾內候片時方下研細輕粉每鍾投和一錢攪勻候至一伏時取起綿紙覆好勿犯灰塵本方不得加減致取不效

太素膏

說約

凡瘡久不收口是元氣虛極急投大補湯劑內托外用此法

輕

粉三錢

米

片五分

乳細用猪脊髓調勻攤絹帛貼上必效

猪腦膏 廣城黎醫士

公猪腦子一個放鍋內好陳醋泡透文武火煮成膏藥樣取出細布攤隨瘡大小貼之先將小米泔水澆淨瘡上貼膏二三日揭看內生肉芽再用小米泔煎洗又貼三五日肌肉長平忌房勞怒氣發物

玉容膏

諸惡瘡久不收口以及臙瘡

敗龜板 一兩

胎髮

猪毛

羊毛

鷄毛

鵞毛

各四兩

牛油

猪板油

桐

油

各二兩

飛黃丹

八兩炒

麻

油

一觔

全熬枯濾清以丹收之攤貼

白玉膏

雄猪油半觔入鍋內熬去渣復入鍋內熬滾投白蠟黃蠟各二錢化盡再入鉛粉五錢輕粉兒茶各一錢五分乳香沒藥去油各一錢攪勻攤貼

雖久不收口諸瘡膏

猪板油一兩熬化入白蠟五錢黃蠟八錢化盡再入乳香沒藥輕粉末各一錢成膏搽之

### 玉液膏

發背癰疽潰爛用此生肌止痛

香油二兩黃蠟一兩化開入黃丹寒水石煨各一兩研細熔化爲膏攤貼

### 當歸膏

生肌止痛補血續筋

當歸身

生地 各一兩 白蠟

黃蠟 各一錢 麻油 六兩

入鍋內先將歸地熬枯去渣復熬投二蠟熔化待溫攪成膏

生肌散

多年朝東土牆上的白螺螄殼取來以清水浸透淘去泥沙務須潔淨放傾銀罐內炭火煨紅冷定研細如霜加冰片摻上膏貼收口

生肌散

輕粉 一錢 血竭 兒茶 各一錢

白死螺螄

連泥者  
十個煨

研極細加冰片一分收貯每用少許男用女乳  
女用男乳調搽三次全愈

久不收口者

用人參淨口嚼爛掩瘡口上自斂

收口

鮮白荷花瓣夾在書頁內

每日移夾一  
頁不然要爛

凡癰疽

瘡上生肌藥將收口時以此貼之斂口甚速如凍

瘡破爛貼之亦效

生肌散

鮮鹿腿骨

紙包灰火內煨至黃脆為度如焦黑則無用矣

研極細摻瘡上生肌甚速

諸瘡毒久不收口

生

鉛

三分敲成薄片剪如香茶樣

每日用鉛一分全核桃肉細嚼好酒吞下三日服完大便出毒物其口即收



論背癰頭開不住

王肯堂曰癰疽發背皆營氣不從逆於肉裡之所生  
既成之後焮腫疼甚五七日內或一頭從上開發  
或兩頭開濶上下侵展不住帝曰何氣使然岐伯  
曰不善於調養乃七情之擾房勞之變穢氣所撞  
惡氣所襲皆令開而不住當以內托大補之劑內  
加白薇白芨等藥服之外以收斂之藥敷貼淋瀝  
則聚而不開矣

準繩

論癰疽內肉不合法

陳實功曰夫癰疽對口大瘡內外腐肉已盡惟結癰時內肉不粘連者用軟綿帛七八層放患上以絹繫緊將患處睡實數次內外之肉自然粘連一片長如生成之肉矣倘患口仍有未完處再搽玉紅膏其肉自平矣

正宗

# 繡縛背瘡法

陳實功曰夫發背對口大瘡等疾已潰流膿時冬夏宜絹帛四五層放所貼膏藥外用棉布見方八寸四角用蛇皮細帶釘之安蓋絹上以帶繫在前胸繡實瘡上庶使瘡中暖氣不泄易於腐潰洗瘡時預脩二繡更換務要患內暖氣烘此法最善

正宗

澄曰凡發背潰後口小內大大膿已泄內肉不合宜用鉛片如鏡中鑿一眼如錢狀四邊錐眼以針穿縫綿布襖上夏月則用兩層布襖襖上六面釘潤

絹帶六條先將膏藥蓋好加以新棉將鉛片襍合  
瘡上先將左右二帶緊緊胸前再將左上角帶與  
右下角帶由左肩向右脇下斜繫右上角帶與左  
下角帶由右肩向左脇下斜繫則兩層新肉合成  
一塊矣倘左半邊虛處多右半邊實處多可將膏  
外觀棉左半邊墊厚些右半邊襯薄些如右半邊  
虛處多亦照此法總在看瘡取膿揩洗時留心察  
其虛實自明

論生瘡肉

申斗垣曰夫瘡瘍已潰愈加保護若不謹慎恐致敗壞倫七情內亂怒則傷肝肝爲將軍之官肝主怒怒氣盛則刑脾脾主肉脾傷則瘡口內脹出名曰贅肉贅肉脹滿不能自消若不去之雖瘡愈後肉高梗積久亦痒痛倘生面目之端形容醜怪乃不知去此之過也宜用烏梅燒灰少加輕粉一上卽平愈後亦無瘡疤也矣 敬立

周文采曰一日着水二曰着風三曰着怒四乃庸俗

醫生以手擠膿核時用力太重五乃妄用涼藥涼  
了瘡皮故生贅肉也

集驗

澄曰瘡口贅肉患者悞食生薑香薷茵子及違犯房  
幃均易將良肉贅出更有肩脊生贅者乃挑輕負  
重掙出肘腕手指生贅者必是拿甚重物所致足  
跟足指生贅者必是奔走跳動而贅凡視瘡毒出  
膿後肩脊上膏外加以厚紙或鉛片壓住肘腕手  
足跟指等處膏外須用厚紙或繭殼襯護薄絹紫  
好則可免良肉贅出且易收功

論驗透膜法

張景岳曰凡背疽大潰欲驗穿透內膜者不可用皂角散嚏法但以紙封患處令病者用意呼吸如紙不動者未穿膜也倘用取嚏法鼓動內膜則反致穿透慎之慎之

全書

澄曰背疽潰爛但以草紙擦蘸麻油以火點着向瘡照之如燈光向外鼓動者裡膜已破矣

論瘡疽鎖口

澄曰凡患瘡毒潰後不慎房慾以致瘡口漸高堅硬不斂此名鎖口又有悞食瓜子鷄蛋亦能鎖口須用銀針輕手四圍挑斷以木耳焙研極細麻油調搽卽消

又曰瘡毒潰後已久風熱濕毒感受亦能鎖口



## 論將息法

程山齡曰凡病中設有挾風寒者卽宜斷去葷腥油膩微服散藥俟外邪祛盡再用滋味調補大抵將息癰腫不可缺少滋味以血肉能生血肉也然又不宜過多使肉氣勝穀氣更忌生冷滯氣之物恐反傷脾胃耳並宜避風邪戒嗔怒寡思慮少言語競競保養爲貴至於病後將息毒大者三年內宜遠幃幙毒小者期年內宜遠幃幙犯之則成虛損或成徧枯或陰滅天年不可不慎也其他戒怒慎

風亦須常作有病時想

十法

王肯堂曰保全胃氣厚味與生冷皆除勿冒風寒大熱與大寒當避多言多動不免真氣之有傷久坐久行皆致起居之不適寡思節慾尤戒恚怒悲憂湯粥適時更宜清虛恬靜

準繩

論培護法

程寶功曰冬月發背須穿有袖綿背搭一件服下不可縫合取其易於揭看也且要預生炭火使暖逼盡餘寒然後揭開用藥爲妙

正宗

又曰如發背高腫須防撞傷須用細草照瘡大小作一圈子外用棉花絹片縫如串鈴樣四邊釘細帶四條安在瘡上護住瘡根以兩條帶子繫頸上以兩條帶子繫胸前則不致有撞傷之患矣

薛立齋曰凡患背瘡切不可容他仰臥若仰臥則瘡陷

矣其欲生也得乎

經驗全書

李氏曰若背疽難於隱几宜用萊豆十斗作一袋隱伏其上以解毒凉心也

十書

### 論瘡久成癰

胡公弼曰夫瘡久不斂多成漏症常有膿水流而不絕其膿亦臭內無歹肉須先服參芪歸朮芎大劑托裏再用附子製過者以童便浸透切作二三分厚片安瘡上着艾炙之仍服托裏之劑隔三日再灸不五七次則癰化肌生肉自長滿矣

醫家

## 論九漏

王肯堂曰瘡漏是孔竅出水不止者是也

氣漏或腫或消痛脹難忍者是也

風漏瘡孔內痒甚者是也

陰漏男女陰內痛而出水者是也

冷漏孔內出白膿黃水不止者是也

痔漏痔瘡日久不愈房事破而流膿不收口者是也

血漏時時下鮮血不止名熱漏也

瘻疔漏是平肉上生孔竅出膿血者是也

痿腮漏因瘡忽黑爛出黃黑水者是也

瘻曰凡破漏之症多因氣血虧損潰後先膿後則清稀流水久而不斂遂成漏管亦有因庸醫日以藥線縫入將瘡內嫩肉磨成厚肉瘡口不能驟合初則嫩管久則長成硬管漸生岔管者甚多亦有膿血去多陰分受虧陽火亢盛夢泄遺精或不慎房慾多成九漏之候最爲難治必須內服補托謹戒房勞外用化管之藥內服退管丸丹化去內管方

能取功

又曰凡瘡潰後忌惹以免生瘡

試知百病生死法

陳實功曰死生非神聖不能洞其機關疾病無明醫亦不能決其吉凶匪則使人疑惑決斷不常余吳授呂祖一枝梅道仙方也

正宗

呂祖一枝梅

治大人男婦小兒新久諸病生死難定之間用藥艾實大一餅貼印堂之中點官香一枝香盡去藥已後一時許藥處有紅斑暈色腫氣飛散謂紅霞捧日病雖危篤其人不死如貼藥處一



時後無腫無紅皮肉照舊不變謂白雪漫野病  
雖輕淺終歸冥路一見急慢驚風一切老幼痢  
疾俱貼之紅腫卽愈此方用之可預知生死也

硃砂 三錢

銀

硃

乙錢五分

五靈脂

三錢

麝香 三分

草麻子 五分

雄黃

芭荳仁

各五錢  
不去油

右各研細末於端午日淨室中午時共研加油  
臘脂爲膏磁盒收藏勿經婦女人手臨用豆大  
一圓捏餅貼印堂中其功立見用過餅送河中

夏月諸瘡傷僻蠅蛆門主方

彈花散

東醫寶鑑

夏月諸般傷損潰爛蛆至極盛臭不可近

蛇

退

燒存性一兩

蟬

蛻

青

黛

各五錢

細

辛

二錢五分

右爲末每三錢酒調下日二

夏月諸瘡臭爛

寒水石研細摻

辟瘡瘍惡穢法

辟惡氣

張仲景

蒼木同猪蹄甲燒烟

又方

紅棗茶葉燒烟置房中

又方

荔枝殼燒烟解穢